



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Articulus I. Qualiter falsum committant testes, Judices, Advocati, &c.

[urn:nbn:de:hbz:466:1-73064](#)

QUÆSTIO XX.
IN TITULUM XX. DE CRIMINE FALSI.

1083



Uamvis *falsum* interdum sumatur pro *injusto* s. *præterea* *Institut.* Quibusmodis *jus*. &c. propriè tamen est, quod veritate caret. Sic *rescriptum*, *falsum* dicitur, quod non emanavit à *Papa*, & tamen apparer emanasse, c. *sua nobis*, de *offic.* *Vicarii*, sic *falsus Tutor* verè dicitur, qui *Tutor* non est, & *falsum testamentum*, quod *testamentum* non est L. *Paulus* ff. de *V. S.* Cæterum *Crimen Falsi* est veritatis *immutatio*, vel *perversio*, facta *dolo*, seu *animo pravo* in alterius *fraudem*, sic, ut alteri noceat, vel nocere possit. Hinc ad *crimen falsi*, prout agitur de illo, h. t. tria requiruntur. Primum est *dolus* per L. 27. C. h. t. ibi: *cum non nisi dolo falsum continentes, criminis subjungentur.* Non sufficit autem *dolus presumptus*, sed requiritur *probatus*; potius enim errore factum *præsumatur*, quam animo decipiendi, uti *præsumit ipse Imperator L. 5. C. de his*, qui sibi adscribunt in *testamento*, ibi: *pæna legis Cornelia tibi remittitur, in quam, credo, te magis errore, quam malitia incurrisse.* Secundo requiritur, veritatis *immutatio*; quod non contingit quoquaque *mendacio*, aut dicto *falso* ex *mero errore*; sed ex *dolo*, ut colligitur ex L. 23. ff. ad L. *Cornel. de falsis*, ut si quis, errans in *computu rationum*, dicat, *summam esse centum*, cùm in re sit minus. Tertio requiritur, ut per *hujusmodi dolosam veritatis perversiōē* *damnum tertio inferatur*; quod intellige, ut censetur *Falsarius quoad pñam ordinariam*, cùm ad *hanc regulariter non sufficiat solus conatus*; hic enim in *pœnis mitius punitur*, nisi ob *atrocitatem criminis expresse lex statueret etiam conatu pœnam ordinariam*.

1084

Crimen falsi, *principiè* *quatuor modis committitur*. 1. *dicto*, seu *verbo*, ut si *testis falsum deponat in judicio*, vel *Judex iniquam sententiam ferat*. 2. *Scripto*, seu *scripturâ*, ut si quis *falsas literas*, vel *instrumentum conficiat*. 3. *Re*, vel *facto*,

ut si quis *falsam monetam* *cedat*, *falsas mensuras*, vel *falsa pondera faciat*, aut *falsum partum supponat*. 4. *Usu*, vel *potius abuso*, ut si quis *falsis probationibus* *uratur*. *Crimen falsi* est *crimen publicum*, ita, ut *quilibet de populo illud accusare possit*; Nam *puniri* hoc *crimen* in *foco Ecclesiastico*, & *puniri* etiam posse in *foco* *seculari* *colligitur* ex c. *ad Falsariorum* 7. h. t. ibi: *statuentes, ut Clerici, qui falsarii fuerint deprehensi, omnibus beneficiis Ecclesiasticis perpetuo sint privati*, ita, quod qui per se *falsiatis vitium exercuerit*, postquam per *Ecclesiasticam Judicem* fuerint degradati, *seculari potestati tradantur*, secundum *constitutiones legitimas puniendi*; per quam & *Laii*, qui fuerint de *falsitate convicti*, *legitimè puniantur*. Est etiam *crimen exceptum*, & in *remissione*, ac *dispositione generali* non *comprehensum*. Unde *Falsarius* est, qui *crimine falsi* *tenetur* c. *ad Falsariorum* 7. de *crimine falsi*.

ARTICULUS I.

Qualiter falsum committant testes, iudices, Advocati, &c.

R Esp. quod *Testis*, in *judicio* *deponens* 1085 *falsum*, seu *dolo malo* *pervertens veritatem*, sit *falsarius*, & *committat crimen falsi*. Sic *Julius Clarus* l. 5. sent. *falsum* n. 5. L. *qui falso*, ff. de *Testibus c. Falsidicu*s 1. h. t. Item *occultans veritatem*, aut *verum tacendo* *supprimens*, si *juravit* *le veritatem* *dictorum* *super certo articulo*, & *legitimè interrogatus tacuit*: *secius est*, si *simpliciter* *juravit*, se ad *interrogata* *responsurum*; quia si non *interrogetur* de aliquo *puncto*, & circa illud *solum veritatem* *taceat*, non *committit* *crimen falsi*; quia *vi* *juramenti* plus non *tenetur*, quam ad *interrogata* *respondere*. Idem dic de *illo*, qui *subornat dono*, vel *recio testem*, ut in *Judicio* *falsum deponat*; vel *scienter* in *judicio* *falsum testem* *producit*, vel *falsi* *testis* *dicto* *utitur*. Sic *Clarus* cit. n. 2. & 4. In idem *crimen falsi* *incident* *testis*, qui

in sua depositione dicit. *Se non recordari de illo, de quo reverâ recordatur, vel saltem potest ac debet verisimiliter recordari:* secus si probabiliter non recordetur; quia probabilitas obliuio testem à falso excusat; Farinacius in praxi criminali p. 2. tract. de Testibus q. 67. n. 224. qui in sequentibus docet, eodem falsi criminis teneri testem, qui deponit obscurè, versutè, vel per malitiam eo fine, ut ejus depositio producenti non profit.

1086 Præterea notandum, crimen falsi committi etiam à Judice, qui pecunia corruptus, verbo seu dicto, vel aliâ dolo male contra leges, vel constitutiones sententiam tulit, L. 1. §. Sed eti⁹ iudex si ad leges Cornel. de falsis, ibi: *& qui judicem corruperit, corrumpendum è curaverit;* Sed eti⁹ iudex constitutiones Principum neglexerit, punitur, id, quod etiam procedit de Advocato, qui parti adversæ causam prodit; talis enim, ut falsarius punitur. L. 1. §. 1. ff. eodem. Idem est, si quis in Judicio causas partium referens, addat falsum, vel demat verum ad causæ meritum pertinens. Sic enim reverâ pervertit veritatem.

1087 Peccatum falsi eum esse plectendum, qui testimonii dicendi causâ accipit pecuniam, & verum dixit, affirmanc apud Pithing, Mynsingerus, & Harprechtius ex L. 1. §. Sed eti⁹ quis si ad legem Corneliam, de falsi quia venale testimonium, non est testimonium veritatis, ut dicitur c. Nolite, 11. q. 3. & c. fin. 14. q. 5. Sed contrarium videtur verius; quia talis non pervertit veritatem; ideo solum arbitrio Judicis coercendus est. Nam *falsitas nemini nociva, non punitur pœna ordinaria;* ut docet Barboſa, in c. 1. de crimine falsi n. 5.

1088 Præter hæc not. Falsarii annumerari eum, qui falsas testificationes faciendas, vel falsa inspicienda, dolo male conjecturit; item, qui ob instituendam advocationem, testimoniove, pecuniam acceperit, pactusque fecerit, vel societatem coierit ad obligationem innocentium; & L. 20. ff. h. t. qui ad item instruendam advocatione, testibus, pecuniam acceperit, obligationem, vel pactionem fecerunt, societatem inierunt, ut aliquid eorum fieret, caverunt. Ubi notat Haunoldus Tom. 6. de Just. tr. 2. n. 180. in hoc casu non requiri, ut effectus, hoc est, alterius damnum sequatur. Et ideo, si ex falso testimonio aliquis ad mortem damnaretur, falsarius

ut proditor, & homicida puniretur per L. 1. §. 1. ff. ad L. Cornel. de sicariis, ibi: *qui ve falsum testimonium dolo malo dixerit, quo quis publico iudicio rei capitalis damnaretur.*

Pœna hujus delicti, spectato jure civili, in Ordin. criminali Carolina, relinquitur arbitrio Judicis, & iudicio prudentum consulendorum pro diversitate, & gravitate delicti. Sic Haunold cit. n. 178. quod etiam tenent Clarus. §. *Falsus* n. 32. Farinac. in praxi crimin. p. 6. l. 5. tit. 16. q.

16. volentes, si crimen in iudicio commissum sit, praesertim circa acta causa, perdit causam. Quamvis autem in cit. Carolin. a. 112. & seqq. fiat aliqua specificatio pœnæ, cum dicitur *falsarium relegandum, vel virgis cedendum,* vel aliâ pœna simili, pro qualitate delicti; ea tamen specificatio non est ultimata. Et tamen in iure communis cit. L. 1. §. fin. dicitur: *pœna falsi, vel quasi falsi, est deportatio, & omnium bonorum publicatio;* & si servus aliquid eorum admiserit, ultimum supplicium: deportatio tamen hodie non est in usu sed bannum, seu relegatio; & publicatio bonorum correcta est in Authent. *Bona,* de bonis prescriptis, quamvis quandoque possit extendi ad manus amputationem iure Novellarum, vel etiam ultimum supplicium, per L. 22. C. h. t. ibi: *suppicio capitali, si id exigat magnitudo commissi, vel deportatione ei imminentie.*

ARTICULUS II.

De crimine falsi circa literas Apostolicas.

Cum circa rescripta, seculiteras Apostolicas plurimæ fraudes, & falsitates, seu deceptions contingant, plura in hoc puncto constituta sunt, breviter tamen expedienda; vel potius solum indicanda ex c. literis h. t. ubi ponuntur novem modi falsandi literas Papales, & sunt seqq. Primum indicium falsi, in literis Apostolicis commissi, est, si falsa bulla falsis literis apponitur. 2. si filum de vera bulla ex toto extrahatur, & per aliud filum immisum falsis literis inseratur. 3. si filum ab ea parte, in qua charta plicatur, incisum, cum vera bulla falsis literis inseratur. 4. cum à superiore parte bullæ altera pars filii sub plumbō rescinditur, & per idem filum falsis inserra reducatur infra plumbum. 5. cum literis bullatis, & redditis, aliquid in eis per rasuram tenuem immutatur. 6. cum

Gg charta

Tom. V.